

Fèisean nan Gàidheal

Tuairisgeul-Obrach

Tìotal:	Rianaire
Àite:	Port-Rìgh
Tuarastal:	Tuarastal £21,057 gu £23,398 a-rèir eòlais
Ùine:	Làn-ùine (35 uairean san t-seachdain) ach sùbailte nam b' fheàrr le neach freagarrach obair pàirt-ùine

Bun Fhiosrachadh

'S e buidheann nàiseanta a tha ann am Fèisean nan Gàidheal, ag obair còmhla ri còrr is 45 Fèisean ionadail air feadh Alba, a' toirt cothrom do thimcheall air 18,000 òganach sgìlean ealan Ghàidhlig ionnsachadh a bharrachd air obair ann am foghlam Gàidhlig agus tachartasan coimhearsnachd a chur air dòigh.

Thathar a' sireadh Rianaire a bhios ag obair ann an grunn roinnean. Bhiodh eòlas air siostaman ionmhais agus tuarastail riartach agus sgìlean coimpiutaireachd aig àrd ìre deatamach.

Bidh an neach a shoirbhicheas ag obair ann am prìomh oifis na buidhne ann am Port-Rìgh thairis air 35 uairean a thìde gach seachdain ged a bhitheamaid deònach bruidhinn ri tagraichean a thaobh modhan-obrach eile, mar eisimpleir obair pàirt-ùine seach làn ùine. Bidh an Rianaire fo stiùir Manaidsear Gnìomha na buidhne.

Prìomh ghnìomhan na dreuchd seo

A' toirt taic don Mhanaidsear Gnìomha, gu sònraichte:

- Rianachd na buidhne san fharsaingeachd
- A' toirt taic le obair ionmhais agus tuarastail
- A' dèanamh cinnteach gu bheil na stuthan a tha a dhìth air gach oifis ann
- A' coimhead an dèidh banca-ionnsramaidean ciùil, a' cur a-mach cùmhnantan, cunntasan, a' gabhail gnothach ri an càradh agus gan cur a-mach agus gan toirt a-steach mar a bhios iomchaidh
- A' cuideachadh le Sgeama Tabhartasan nam Fèis
- A' gabhail stiùir air Tasgadh - Sgeama Tabhartasan Beaga nan Ealan Dùthchasach
- A' coimhead an dèidh cunntasan agus òrdain airson leabhraichean a tha Fèisean nan Gàidheal air fhoillseachadh
- A' cumail rian air ar stòr-data
- A' cur ri chèile litir-naidheachd ràitheil agus ga sgaoileadh gu didseatach
- Àrdachadh agus a togail iomhaigh nam Fèisean aig ìre ionadail agus nàiseanta
- A' deasachadh agus a' sgaoileadh naidheachdan cunbhalach agus fiosrachadh eile
- Leasachaidhean air na làraich-lìn dà-chànanach aig Fèisean nan Gàidheal agus Blas mar a bhios iomchaidh agus gan ùrachadh
- A' cur air dòigh àiteachan airson coinneamhean den Bhòrd Stiùiridh a chumail agus àiteachan-fuirich airson buill agus luchd obrach bho àm gu àm
- A' cur ri chèile gearr-chunntas de choinneamhean a' Bhùird ann an Gàidhlig agus Beurla agus coinneamhan eile mar a bhios iomchaidh
- A' cur choinneamhan den luchd-obrach air dòigh gu cunbhalach agus gearr-chunntasan a chumail

Tha Fèisean nan Gàidheal a' faotainn taic bho na buidhnean seo | Fèisean nan Gàidheal is supported by the following bodies



- A' cruinneachadh cìs ballrachd nam Fèis
- A' toirt taic le bhith a' cur air dòigh co-labhairt agus coinneamh bhliadhnail na buidhne
- A' toirt taic rianachd don t-seirbheis Fèisgoil
- A' cumail taic ri luchd-obrach eile mar a tha iomchaidh ann an sgioba beag.

Gnìomhan eile

- A' gabhail pàirt ann a tachartasan air an cur air dòigh le Fèisean nan Gàidheal, m.e. co-labhairt agus coinneamh bhliadhnail na buidhne
- A' deasachadh aithisgean ràitheil airson coinneamhan de Bhòrd-stiùiridh Fèisean nan Gàidheal agus do bhuidhnean maoinachaidh mar a bhios iomchaidh
- A' gabhail pàirt anns an t-siostam measaidh aig Fèisean nan Gàidheal
- A' frithealadh làithean-trèanaidh airson luchd-obrach ma bhios sin iomchaidh
- Obair eile sam bith a tha taobh a-staigh crìochan na dreuchd a tha seo.

Sgilean pearsanta a tha dhìth

- Bu chòir tagraichean a bhith fileanta anns a' Ghàidhlig, le comas labhairt agus sgrìobhaidh. Bidh barrachd cuideam air sgilean còmhraidh aig an ìre seo, agus bidh prògram trèanaidh ann airson sgilean sgrìobhaidh a neartachadh mar a bhios iomchaidh.
- Tha sinn a' sireadh thagraidhean bho dhaoine aig a bheil eòlas, neo foghlam freagarrach co-cheangailte ri obair rianachd agus tha cleachdte ri dèiligeadh ri daoine.
- Bu choir ùidh a bhith aig tagraichean ann an obair nam Fèis agus anns na h-ealain Ghàidhlig san fharsaingeachd
- Bu chòir comas a bhith aig tagraichean obair a chur air dòigh air an ceann fhèin, gun stiùir aig amannan
- Bidh eòlas air obair chompiutairean deatamach, gu sònraichte prògraman a leithid Microsoft Word, Excel, Powerpoint, Adobe Acrobat, Photoshop, InDesign agus MYOB
- Bhiodh eòlas air làraich-lìn air Wordpress riatnach
- Bu chòir cead-draibhidh a bhith aig tagraichean.

Bidh an tuarastal eadar £21,057 gu £23,398 a-rèir eòlais. Tha Fèisean nan Gàidheal a' pàigheadh 5% de ur tuarastal a-staigh gu peinnsean. Thèid cosgaisean co-cheangailte ris an dreuchd a phàigheadh a thuilleadh air tuarastal. Feumaidh an neach a shoirbhicheas a dhol tro dheuchainn mar bhall den sgeama PVG aig Fèisean nan Gàidheal.

Feumaidh tagraichean cunntas-beatha (ann an Gàidhlig neo ann am Beurla) a chur thugainn an cois na foirm-iarrtais, air a lìonadh a-steach leis an fhiosrachadh air fad a tha sinn a' sireadh.

Cuiribh foirmichean gu Anna Willoughby, Manaidsear Gnìomha, Fèisean nan Gàidheal, Taigh a' Mhill, Port-Rìgh, An t-Eilean Sgitheanach, IV51 9BZ neo air post-d gu anne@feisean.org ro 5f, Dihaoine 7mh Gearran 2020.

Airson cothrom còmhraidh agus barrachd fiosrachaidh mun dreuchd, leigibh fios gu Anna Willoughby air 01478 613355.

Feumaidh tagraichean a bhith a-steach ro 5f, Dihaoine 7mh Gearran 2020

'S e fastaiche co-ionannachd chothroman a tha ann am Fèisean nan Gàidheal

Tha Fèisean nan Gàidheal cùramach a thaobh fiosrachadh a làimhseachadh agus ga dhìon. Chithear fios mu phrìobhaideachd tron cheangal [seo](#) agus ma tha iomagain no adhbhar agad cùis sam bith a thogail mun dòigh sa bheil sinn air fiosrachadh a làimhseachadh cuir fios gu Oifigeir Dìon-Dàta na buidhne tro dpo@feisean.org.